

Oi, på nynorsk!

– eit innføringskurs på nett

I Språkrådets nye nettkurs får du verktøy som gjer deg tryggare på å bruke nynorsk i arbeidskvardagen. Innhaldet i kurset er basert på det som usikre nynorskbrukarar strevar mest med, og som det samstundes er lett å gjere noko med.

Her er ei oppsummering av den viktigaste lærdommen i kurset:

FORVALTNINGSORD

Litt likt, eller heilt annleis?

Somme forvaltningsord på nynorsk liknar litt på bokmålsorda, medan andre er heilt annleis. Det er inga skam å slå opp i ordboka!

Av og til er det greitt å bruke ord som sluttar på -heit, men det finst ofte betre alternativ:

- kortare ord
- ord som endar på på -dom, -leik, -skap
- ord som endar på -semnd, -løyse

Desse orda er nyttige å kunne: løyve, vilkår, rettleiing, verksemd, teieplikt

VERB

Bruk fortidstesten

Om du kasta terningen i går, så kastar du han i dag.
Om lampa lyste i går, så lyser ho i dag.

Alltid kortform i notid av j-verb!

fortelje: Else fortel om møtet med departementet.
spørje: Lars spør om referatet er klart.

SUBSTANTIV

Bøyingsystemet liknar på det som er i bokmål, men fleirtalsendingane er litt annleis.

Hovudreglane for substantivbøying:

ein rapport – rapporten – rapportar – rapportane
ei sak – saka – saker – sakene
eit møte – møtet – møte – møta

Det er først og fremst hankjønnsorda som skal ha endingane -ar og -ane i fleirtal.

Det viktigaste unntaket er hokjønnsord som sluttar på -ing:
ei stilling – stillinga – stillingar – stillingane



Meny	
INTRODUKSJON	2 min
NYNORSK I DAG	4 min
FORVALTNINGSORD	6 min
VERB	7 min
SUBSTANTIV	6 min
PRONOMEN OG EIGEDOMSORD	3 min
SPRÅKFØRING	18 min
KVISS	4 min

PRONOMEN OG EIGEDOMSORD

Bokmål: dere – dere – deres

Nynorsk: de – dykk – dykkar eller dokker – dokker – dokkar

SPRÅKFØRING

Ver konsekvent!

Fleire ord og bøyingsformer er valfrie i nynorsk, men du må vere konsekvent i bruken. Hugs spesielt å halde deg til éi ending i infinitiv, anten -e eller -a.

For å kunne handsame saka ber vi deg sende oss relevante dokument.

For å kunna handsama saka ber vi deg senda oss relevante dokument.

Hugs alltid hjelpeverb om du bruker passiv!

Ingen kan straffast for uhellet.

Alle blir kontakta når fristen er ute.

Bruk s-genitiv mindre enn i bokmål!

Ofte er det lurt å skrive om:

byråets nettside → nettsida til byrådet
partiets program → partiprogrammet

S-genitiv er greitt i særnamn:

Else's kontor, Noreg's idrettshøgskole

Ta kurset her: språkradet.no/nettkurs